

ლონისძიების საორგანიზაციო ჯგუფი.

მიმწოდებელმა ღონისძიებისთვის უნდა უზრუნველყოს:

- ღონისძიების 1 პროფესიონალი წამყვანის მომსახურება (შემსყიდველთან შეთანხმებით)
- ღონისძიების რეჟისორის მომსახურება
- ხმის რეჟისორის მომსახურება
- დეკორატორის მომსახურება
- სასცენო განათების სპეციალისტის მომსახურება
- ჯილდოს გადამცემი არანაკლებ 2 (ორი) პერსონალის მომსახურება - ჯილდოს გადამცემი პერსონალი შესაბამისი ჩაცმულობით;
- კვებისა და სასმელების კოორდინატორის მომსახურება - კვების ბლოკის მენეჯერის მომსახურება
- დეკორატორის მომსახურება - მთელი დაჯილდოვების ცერემონიისა და ლოკაციის დეკორირება. სასცენო და ფოიეს დეკორაციების, ასევე შესასვლელის, ფურშეტის სივრცის და დარბაზის დეკორაციების ესკიზის შექმნისა და მისი განხორციელების მეთვალყურეობა.
- პროფესიონალი ფოტოგრაფის (ღონისძიების შემდეგ შემსყიდველს უნდა მიაწოდოს ღონისძიების არანაკლებ 60 მაღალი რეზოლუციის, დამუშავებული ფოტო, მათ შორის ყველა დაჯილდოვების ამსახველი და ზოგადი ფოტოები) მომსახურება.
- საორგანიზაციო ჯგუფის ყველა წევრი (ასევე სხვა დამხმარე პერსონალიც) მუდმივად იყოს დაჯილდოვების ლოკაციაზე.
- ვიდეო გადაღების სპეციალისტის მომსახურება - პროფესიონალი ოპერატორის მომსახურება, ღონისძიების ვიდეოს გადაღება და დამონტაჟებული სახით მიწოდება. ქრონომეტრაჟი არანაკლებ 2 წთ.
- არ შეიძლება საორგანიზაციო ჯგუფის ერთი წევრი ასრულებდეს რამდენიმე ფუნქციას.
- მიმწოდებელმა ხელშეკრულების გაფორმებიდან 1 კვირის ვადაში უნდა უზრუნველყოს შეხვედრა შემსყიდველსა და საორგანიზაციო ჯგუფს შორის და შემუშავდება სამუშაო გეგმა-გრაფიკი.
- ღონისძიების პროგრამა, სცენარი, დეკორაციების დიზაინი, მუსიკალური შემსრულებლების სია და სხვა მნიშვნელოვანი დეტალები შემუშავებული უნდა იქნას წინასწარ, რეჟისორის და დეკორატორის მიერ და უნდა შეთანხმდეს შემსყიდველთან ღონისძიებამდე.

კვებითი მომსახურება (მისასალმებელი სასმელი და ფურშეტი)

მიმწოდებელმა უნდა უზრუნველყოს:

- სასმელებისა და კვების მომსახურების მიწოდების ორ ნაწილად განხორციელება: მისალმებისას - მხოლოდ სასმელების შეთავაზებით (შუშუნა ღვინო, 300 პერსონაზე) და დაჯილდოვების ღონისძიების დასასრულს, ფურშეტის სახით (ასევე 300 პერსონაზე გათვალისწინებული).
- ფურშეტის სერვირება და მოსამზადებელი სამუშაოები დასრულებული უნდა იყოს ღონისძიების დაწყებამდე 4 საათით ადრე.
- სერვირება, საკმარისი რაოდენობის პერსონალი(უნიფორმით). კვების მომსახურების მიწოდება ლოჯისტიკურად უნდა მოხდეს სტანდარტების დაცვით.
- ფურშეტის მენიუ უნდა მოიცავდეს ღვინოს(წითელი,თეთრი,შუშუნა), ხილის წვენს, წყალს, სხვადასხვა სახეობის კანაპეებსა და ნამცხვრებს.
- ფურშეტისათვის გამოყოფილი სივრცის მოწყობა ყველა სტანდარტის დაცვით. უნდა განთავსდეს ფურშეტის მაგიდები (7 ცალი), 16 ცალი სათანადოდ გაფორმებული მაღალი კოქტეილის მაგიდა, აივანზე მწველთა კუთხე აღჭურვილი ლითონის საფერფლებითა და ნაგვის ურნებით.
- ღონისძიებისათვის საკვები პროდუქტების და სასმელების ტრანსპორტირება ღონისძიების ლოკაციაზე დასრულდეს ღონისძიებამდე არანაკლებ 4 საათით ადრე.
- ფურშეტის ორგანიზება 300 პერსონაზე, შუშუნა ღვინო - არანაკლებ 40 ლიტრი, წითელი და თეთრი ღვინო - არანაკლებ 90 ლიტრი, 2 სახეობის წვენი - არანაკლებ 80 ლიტრი, წყალი 0,5 ლიტრიანი ბოთლებით - არანაკლებ 300 ცალი, კანაპეები 12 სახის - არანაკლებ 2500 ცალი, 5 სახეობის კრემიანი ნამცხვარი - არანაკლებ 900 ცალი, სეზონური ხილი და ა.შ.)

- კვების მომსახურება უნდა იყოს ორგანიზებული ხარისხიანად და გამართულად. ლოკაციაზე მუდმივად იმყოფებოდეს კვების მენეჯერი.
- ვინაიდან, ღონისძიება არის მაღალი დონის, შესაბამისად, მიმწოდებელი ვალდებულია მენიუ და კვების ბლოკთან დაკავშირებული ყველა საკითხი წინასწარ შეთანხმდეს (მიმტანების რაოდენობის ჩათვლით) შემსყიდველთან.

ღონისძიების მუსიკალური პროგრამა

მუსიკალური პროგრამა, დეტალური სცენარი და შემსრულებლები, მუსიკალური ნომრების დროში გადანაწილება, უნდა შეთანხმდეს შემსყიდველთან ღონისძიებამდე მინიმუმ 10 დღით ადრე.

მიმწოდებელმა საღამოს მუსიკალური გაფორმებისთვის უნდა უზრუნველყოს :

- საჭირო გახმოვანების აპარატურა ტექნიკური რაიდერის შესაბამისად ორ ლოკაციაზე(ფოიე, სცენა).
- მუსიკალური გაფორმება 1 საათის განმავლობაში სტუმრების დახვედრისას ფოიეში (ინსტრუმენტი და დეტალები შემსყიდველთან შეთანხმებით).
- ჯაზ ბენდი (არანაკლებ 10 წევრისა) დაჯილდოვების ცერემონიის მთელი პერიოდის განმავლობაში სცენისა და ღონისძიების მუსიკალური გაფორმებისთვის (შემსრულებლები და მუსიკალური პროგრამა შემსყიდველთან შეთანხმებით).
- ბენდი, ცოცხალი შესრულებით (ფოიეში ფურშეტის დროს).
- ღონისძიების მუსიკალური გაფორმების ხარისხზე პასუხისმგებელი ხმის რეჟისორის მუდმივად ღონისძიების ლოკაციაზე ყოფნა.
- ღონისძიებისათვის (სცენაზე და ფოიეში), ხმის აპარატურის, ვიდეოგაფორმების, განათების, მიკროფონების გამართული მუშაობის და ხმის შემოწმება (ე.წ. sound check-ი), ღონისძიების წინა დღით გენერალური რეპეტიციისათვის.

ღონისძიების დეკორაციები

დაჯილდოვების ცერემონიის და ღონისძიების ჩატარების ადგილის დეკორაცია უნდა იყოს საზეიმო, საახალწლო განწყობის. უნდა იყოს გამოყენებული ეფექტური ვიზუალები. დეკორაციების დიზაინი უნდა მომზადდეს დეკორატორის მიერ, ღონისძიების რეჟისორის მეთვალყურეობით.

მიმწოდებელმა უნდა უზრუნველყოს:

- ღონისძიებამდე არაუგვიანეს 10 დღით ადრე დეკორაციების წინასწარი ნახაზი მიეწოდოს შემსყიდველს და შეთანხმდეს მისი დეტალები. დეკორაციების დიზაინი მზად უნდა იყოს ღონისძიებამდე არაუგვიანეს 7 დღით ადრე.
- ღონისძიებამდე 4 საათით ადრე უნდა დაასრულოს როგორც თეატრის მიმდებარე ტერიტორიის ასევე შიდა სივრცის (ფოიე, სცენა, ფურშეტის სივრცე) მოწესრიგება, დეკორირება და აღჭურვა ყველა საჭირო დეტალით. ამასთან მიმწოდებლის მიერ უნდა იყოს უზრუნველყოფილი ღონისძიების ყველა სივრცის, მათ შორის წითელი ხალიჩის, ბანერების და ა.შ. ეფექტური განათება, ვინაიდან ღონისძიება დღის ბნელ მონაკვეთში იმართება.
- თეატრის შესასვლელში 2 ბანერის განთავსება (დაახლოებითი ზომები 1,5მ*5მ). ბანერის მზად დიზაინის მიწოდებას უზრუნველყოფს შემსყიდველი, ხოლო ბანერის მონტაჟს, კონსტრუქციაზე მორგებას და ვიზუალური მხარის გამართვას მიმწოდებელი.
- წითელი ხალიჩის მოწყობა (ხალიჩა უნდა იყოს წებვადი, დაახლოებით ზომები 2მ * 7მ) ღონისძიებამდე მინიმუმ 4 საათით ადრე. ასევე, უნდა მოხდეს წითელ ხალიჩასთან მისასვლელისა და მიმდებარე ტერიტორიის მომზადება, ისე რომ სტუმრების ტრანსპორტს არ შეექმნას შეფერხება წითელ ხალიჩასთან გაჩერებისას.
- თეატრის ფოიეში ფოტოგადაღებისათვის ღონისძიების თემატური ფოტო სტენდის მოწყობა, (დიზაინი და კონცეფცია შემსყიდველთან შეთანხმებით).
- თეატრის ფოიეში გიფის აპარატის და ფოტოების ადგილზე გადაღება-ბეჭდვის მოწყობილობის განთავსება. გიფის აპარატის და მოწყობილობების მონტაჟი დასრულებული უნდა იყოს ღონისძიებამდე მინიმუმ 2 საათით ადრე.
- გიფის აპარატის ფოტოების ადგილზე ბეჭდვის ფუნქციით (არანაკლებ 250 ფოტოს ბეჭდვა) 1 კონსულტანტის მიმაგრება, ვინც დაეხმარება მსურველებს აღნიშნული მოწყობილობის მეშვეობით ფოტოების გადაღებასა და ადგილზე დაბეჭდვაში.

- მიმწოდებელმა უნდა უზრუნველყოს სცენის და ღონისძიების ჩატარების ლოკაციის ეფექტური დეკორაცია, სპეციალური ვიზუალები, დეკორატიული განათება, სცენის ფოიერვერკი, ნაძვის ხე და სხვა წინასწარ შემსყიდველთან შეთანხმებული სცენარით.

ღონისძიების საბეჭდი მასალები

მიმწოდებელმა უნდა უზრუნველყოს:

ღონისძიების მოსაწვევებისა და ნომინანტებისათვის გადასაცემი ჯილდოების, ასევე სამადლობელო სიგელების დამზადება და შემსყიდველის ოფისში მოწოდება, ღონისძიებამდე 7 დღით ადრე (დიზაინი, მასალა, ზომები და სხვა დეტალები შემსყიდველთან შეთანხმებით). ამასთან უნდა მოხდეს ყველა საბეჭდი მასალის წინასწარი ნიმუშის მოწოდება შემსყიდველისათვის ღონისძიებამდე 10 დღით ადრე.

- არანაკლებ 350 ცალი მოსაწვევის (ღია ბარათი კონვერტით) დამზადება და ადგილზე მოწოდება ღონისძიებამდე არაუგვიანეს 7 დღით ადრე (მოსაწვევის მზა დიზაინის მიწოდებას უზრუნველყოფს შემსყიდველი).

- არანაკლებ 15 ცალი ჯილდოს დამზადება და მიწოდება. ჯილდო უნდა მომზადდეს შემსრულებლის მიერ მიწოდებული ნიმუშის მიხედვით, (ზოგადი აღწერა: 5 მილიმეტრიანი ორგმინის ფირფიტა მარმარილოს სადგამით, ორგმინის დიამეტრი 15 სმ, ჯილდოს ზომები და პარამეტრები დაზუსტდება ხელშეკრულების გაფორმების შემდგომ)

- ჯილდოების მზა ნიმუში უნდა მიეწოდოს შემსყიდველს ღონისძიებამდე არაუგვიანეს 10 დღით ადრე, ხოლო დამზადებული ჯილდოების შემსყიდველისათვის მიწოდება უნდა მოხდეს ღონისძიებამდე არაუგვიანეს 7 დღისა.

- A4 ფორმატის ჩარჩოში ჩასმული სამადლობელო სიგელების დამზადება (არანაკლებ 30 ცალი). სიგელების მზა ნიმუში უნდა მიეწოდოს შემსყიდველს ღონისძიებამდე არაუგვიანეს 10 დღით ადრე, ხოლო დამზადებული სიგელების შემსყიდველისათვის მიწოდება უნდა მოხდეს ღონისძიებამდე არაუგვიანეს 7 დღისა.

LED ეკრანის მოწყობა და დაჯილდოების გრაფიკული ვიდეო რგოლის მომზადება

მიმწოდებელმა უნდა უზრუნველყოს:

- სცენაზე დიდი ზომის „LED“ ეკრანის დამონტაჟება (ზომა არანაკლებ 4მX5მ) ეკრანს უნდა ჰყავდეს ცალკე ოპერატორი, რომელიც მუდმივად იქნება ღონისძიების ლოკაციაზე და უხელმძღვანელებს ეკრანზე ვიდეოების ხარისხიან და შეუფერხებელ ტრანსლირებას, როგორც დაჯილდოებისას, ასევე გენერალური რეპეტიციის დროს.

- დაჯილდოების გრაფიკული ვიდეორგოლის მომზადება. ვიდეოს პარამეტრები და სხვა დეტალები (შემსყიდველთან შეთანხმებით). ხანგრძლივობა 12-15 წთ. ვიდეო მოიცავს: 70 წმ - 1 წთ.მდე ქრონომეტრაჟის ვიდეოს ყოველ ნომინანტზე (დაახ. 15 ნომინანტი), რომელიც მოიცავს ჯერ 3 სავარაუდო ნომინანტის გამოცხადების ვიზუალს და შემდეგ გამარჯვებულის დასახელებას, ასევე ვიდეოს ქუდს, გადასვლებს, დასრულების ვიზუალს და აქვს მუსიკალური გაფორმება/მუსიკალური ფონი. ვიდეორგოლი ასევე უნდა შეიცავდეს დეპარტამენტის და ღონისძიების ლოგოს და დასახელებებს, ფონად უნდა ჰქონდეს ღონისძიების შესაბამისი საზეიმო მუსიკალური გაფორმება. გრაფიკული ვიდეორგოლის შინაარსი, ვიზუალი და სხვა დაკავშირებული დეტალი შემსყიდველთან შეთანხმებით. ღონისძიების მზა გრაფიკული ვიდეორგოლის მოწოდება უნდა მოხდეს ღონისძიებამდე 7 დღით ადრე.

დალაგება დასუფთავება

მიმწოდებელმა უნდა უზრუნველყოს:

- ღონისძიების ჩატარების ყველა ლოკაციის დალაგება-დასუფთავება. უნდა მოხდეს ნარჩენების სწორი მენეჯმენტი. ღონისძიების დასრულების შემდგომ ტერიტორიის დალაგება-დასუფთავება.

სასტუმროში განთავსება

მიმწოდებელმა უნდა უზრუნველყოს:

ლონისძიების მოწვეული სტუმრების განთავსება მაღალი კლასის სასტუმროში ერთადგილიან ნომრებში (არანაკლებ 10 ერთადგილიანი ნომერი 1 ღამე).

ლონისძიების სხვა საორგანიზაციო საკითხები:

- ლონისძიებისათვის შესაბამის ტექნიკა-აღჭურვილობას, მათ შორის ხმის აპარატურას (როგორც სცენის, ასევე ფოიეში ბენდისათვის, ტექნიკური რაიდერის მიხედვით), სცენაზე დამონტაჟებულ „ლედ ეკრანს“ (ზომები ფასების ცხრილის მიხედვით), განათებასა და სხვა საჭირო ინვენტარს უზრუნველყოფს მომწოდებელი საკუთარი ძალებით.
- ყველა კონსტრუქცია და ნივთი, რომელიც ლონისძიების ფარგლებში იქნება გამოყენებული უნდა ტრანსპორტირდეს და დამონტაჟდეს მომწოდებლის მიერ, ასევე მიმწოდებელმა უნდა უზრუნველყოს ყველა დეკორაციისა და დამხმარე ინვენტარის, მათ შორის ტექნიკური მოწყობილობების, დემონტაჟი და გატანა ლონისძიების დასრულების შემდგომ. ლონისძიების ჩატარების ლოკაცია უნდა დასუფთავდეს და მოწესრიგდეს მომწოდებლის მიერ. ამასთან გასათვალისწინებელია, რომ სამუშაოების ჩატარებისას ლონისძიების ლოკაციაზე დაზიანებული რეკვიზიტის, ტექნიკური თუ სხვა სახის ინვენტარის ან ნებისმიერი სხვა ნივთის აღდგენაზე პასუხისმგებელია მიმწოდებელი.

ლონისძიებისათვის შესაბამისი შენობის (ბათუმის ილია ჭავჭავაძის სახელობის სახელმწიფო პროფესიული დრამატული თეატრის შენობა, მისამართი: შ.რუსთაველის №1) უსასყიდლოდ დაჯავშნას უზრუნველყოფს შემსყიდველი.

მიმწოდებელმა მომსახურება უნდა უზრუნველყოს ტექნიკური დავალების დანართი N1-ის და ფასების ცხრილის - დანართი N2-ის ყველა პირობის დაცვით.